



15. maj 2013

UKA 2013/58

Inatsisartut Suleriaasianni § 36 naapertorlugu apeqquteqaat aallaavigalugu oqallisissiaq imattoq matumuuna saqqummiuppara:

Ineriertornermikkut akorngutillit ingerlaqqinnissaminnut ilinniartinneqartarnerisa, oqittunik suliffeqartarnerisa aamma taamaaqatiminnik najugaqarfinni najugaqartarnerisa siunissami qanoq pitsangorsarneqarsinnaanerat pillugu apeqquteqaat allaavigalugu oqallinnissamik siunnersut.

(Inatsisartunut ilaasortaq Agathe Fontain, Inuit Ataqatigiit)

Ilumoorpoq nunami maani ineriertornermikkut akorngutillit atuagarsornikkut sanngiinnertik pissutigalugu Piareersarfimmi atualersinnaanngitsut iluamik ilinniarfissaqanngimmata. Taakkununnga periarfissatuaavoq danskisut piginnaaneqarunik Danmarkiliarnissaat ukiunilu pingasuni ingerlaqqinnissaminnut atuarlugu STU (Særligt Tilrettelagt Ungdomsuddannelse).

Taamaasillutik ineriertornermikkut akorngutillit inuuusutorpassuit qaqluunniit ilinnialersinnaanngillat atorfinissinnaanatillu. Oqaatsit aporfipput – aamma alla tassaavoq STU-p akisungaatsiarnera. Ilinniarnerat inuuusuttup kommunianit akilerneqartussaavoq naliginaavorlu ukiumut 170.000 koruunit angulligit akeqartarnera, taamaattumik amerlasuutigut kommunip ineriertornermikkut akorngutillit ilinniariartinneq ajorpaat.

Aaqqiissutaasinjaavoq nunami maani inuuusuttut ineriertornermikkut akorngutillit siunissami ilinniartalersinnaanerat neqeroorutigisalertuugutsigu. Tamatumani isumassarsiorfiulluarsinnaavoq Aalborgip kommunea. Ukiut qulikkaat kingullit ingerlanerani tassani misiliisoqarpoq siunertalarugu ineriertornermikkut akorngutillit sulisinnaalersinnissaat. Tamatuma kinguneranik inuuusuttut ineriertornermikkut akorngutillit aqpaneq-marluk akornanni qulit oqittumik suliffittaarpot. Iluatsitsinerup kinguneranik ukiumi ataatsimi ilinniarfissamik pilersitsisoqarpoq.

Assingusumik nunami maani eqqussisoqartuuppat iluassagaluarpoq. Aamma taama pisoqartuuppat Naalakkersuisut ilinniartitaanermut pilersaarutaat malinnejassagaluarpoq. Ilaatigummi ima allassimasoqarmat:

”Meeqcat tamarmik inuutissarsiutigiligassaminnik ilinniagaqarnissaat inuiaqatigiit qulakkeertariaqarpaat”, ”inunnik ataasiakkaanik piginnaanngorsaaneq inunnut ataasiakkaanut tamanullu iluaqutaasussaq” aamma ”Naalakkersuisut takorloorpaat aamma inuit immikkut pisariaqartitsisut ataqquinartumik inuuneqalernissaat”.

Eqqarsaatigineqarsinnaavoq inunnut ineriertornikkut akorngutilinnut ilinniarfissap illutigineqartuni piorersuni inissinneqarsinnaanera. Tassunga atatillugu ineqartitsinissaq qularnaartariaqarpoq aamma inunnik ineriertornikkut akorngutilinnik isumassuinissaq taakku ilinniarnerminni iluatsitsilluarnissaat anguniarlugu.

Naammanngilarli inuusuttut ineriertorermikkut akorngutillit ingerlaqqinnissaannut atuartinnissaat. Aamma pingaaruteqarpoq ineriertornikkut akorngutillit ilinniareerunik atorneqarsinnaanissaat. Taamaattumik sulissutigisariaqarpoq sullivinnik oqittunik ujaalernissaq. Tamatumani CSR Greenland suleqatigineqarsinnaalluarpooq. Inuit Ataqatigiinni taamaasilluta isumaqarpugut sullivinnik oqittunik pilersitsinermikkut suliffeqarfait inuiaqatigiinnut akisussaaqataanertik takutissagaat.

Aamma pingaaruteqarpoq eqqarsaatigissallugu sumi ineriertornikkut akorngutillit najugaqassanersut ilinniareerlutik angerlaqqikkunik. Nammieq ineqarnissaminut qaqutigiunnaq periaarfissaqartarput taamaattumik naggataatigut angajoqqaaminut ilaquttaminnulluunniit nuuttariaqartarput. Aaqqiisoqarsinnaavoq najugaqatigiiffinnik pilersitsinissaq, tassani ineriertornikkut akorngutillit ineerannguanik ineqartinneqarsinnaapput, ataatsimoortunik atortorissaarutilinnik aamma ulloq unnuarlu sulisulinnik.

Inuit Ataqatigiinni neriuprugut oqallilluartoqarumaartoq Naalakkersuisut partiillu allat isumassarsiorfigilluarsinnaasaanik.